



WIZARA YA UTAMADUNI SANAANNA NA MICHEZO  
BARAZA LA SANAANNA LA TAIFA  
**MSANII**



**"Maarifa na Ubunifu"**

**SANAANNA-WASANII-URASIMISHAJI-MIONGOZO**



Toleo la 1



**FEBRUARI-MACHI  
2023**



**TMA**  
TANZANIA  
MUSIC AWARDS



## YALIYOMO

**02**

- Dawati la Katibu Mtendaji
- Maadili katika Sanaa

**04**

- Wadau wafurahia TMA 2022 kuongeza Vipengele
- Picha matukio uzinduzi TMA 2022

**06**

- Makeke ya chanuo la chana
- Washindi BSS All Stars wala shavu mdundo wa Taifa

**08**

- Mamia waonesha shauku “Sanaa mtaa kwa mtaa”
- Benjamin Mkapa yaibuka kidedea mdahalo maadili

**03**

- BASATA yatakiwa ku-shirikiana na wadau kuinua sekta ya sanaa nchini
- Matukio ya ziara ya Waziri wa utamaduni sanaa na michezo Mhe. Balozi Dkt. Pindi Chana
- Uteuzi wa Mwana FA kuwa Naibu Waziri wakonga nyoyo za Watu.

**05**

- “Tatu kubwa” zakonga nyoyo wasanii JNICC
- Mdundo wa Taifa wazalisha Kivunge cha mtozi

**07**

- Sekta ya sanaa yazidi kufunguka kimataifa
- Nukuu kuhusu Program za sanaa nchini



Eneo hili ni mahsus i kwa Katibu Mtendaji BASATA kutumia kama jukwaa maalum kwaajili ya kutoa elimu na nukuu mbalimbali kwa wadau wa sanaa ili waweze kufahamu hazina ya maudhui yanavyoweza kutumika kujenga dhana au wazo lenye ujumbe mzuri katika Kuelimisha,

Kuburudisha, kuasa, kuke-meua uovu, kuhamasisha uzalendo na kudumisha utu wa kila mwanadamu.

Ujumbe utakuwa unatolewa kupitia vibango vitakavyokuacha uweze kutafakari zaidi.

## DAWATI LA KATIBU MTENDAJI



*An artist paints with his/her brains and not with his/her hands.*



basata.tanzania



## VIONGOZI MASHIRIKISHO WAUNGANA NA BASATA KUPINGA MMOMONYOKO MAADILI



Sehemu ya viongozi wa mashirikisho wakifatilia mjadala wa hamna bora ya kutoa elimu kwa wasanii wanaongoza ili kuwa na mkakati wa pamoja kuzalisha sanaa yenye kuheshimu maadili.



## BASATA YATAKIWA KUSHIRIKIANA NA WADAU KUINUA SANAA NCHINI



Mhe. Waziri wa Utamaduni Sanaa na Michezo Mhe. Balozi Dkt. Pindi Chana akiongoza kikao na wataalam wa BASATA wakati wa ziara yake.

Waziri wa Utamaduni Sanaa na Michezo Mhe. Balozi Dkt. Pindi Chana amefanya ziara katika Ofisi za BASATA na kuwapongeza kwa kazi nzuri ya kuunganisha Wasanii huku akiagiza kufanya utambuzi rasmi wa Wadau ambao wapo tayari kuibadilisha sekta hii ili kiwe Chanzo

### MATUKIO YA ZIARA YA WAZIRI WA UTAMADUNI SANAA NA MICHEZO MHE. BALOZI DKT. PINDI CHANA



Waziri wa Utamaduni, Sanaa na Michezo Mhe. Balozi Dkt. Pindi Chana (wa tatu kulia) akifuatilia kwa makini onesho la Sarakasi Wakati wa Mapokezi mara baada ya kuwasili katika viwanja vya Ofisi ya BASATA

kikubwa cha mapato kwa Msanii na tasnia kwa ujumla.

Ameyasema hayo wakati anapoka taarifa alipozuru Baraza kwa mara ya kwanza kwaajili ya kujitambulisha baada ya kuteuliwa na Mhe Rais kuongoza Wizara ya Utamaduni Sanaa na Michezo mapema Februari mwaka huu. Waziri Chana ameendelea kusema kuwa, umefika wakati sasa kwa sekta hii kutakiwa kuendesha mambo yake bila utegemezi bali kwa kuunda ushirika na wadau wa ndani na nje ya Nchi ambao wapo kutoa ushirikiano kwenye program mbalimbali za kimaendeleo ambao kwa sasa wanabubiri kutambuliwa na Serikali. Juu ya hapo ameipongeza BASATA kwa mipango inayotekeliza

ambayo imewasilishwa na Katibu Mtendaji BASATA Dkt. Kedmon Mapana hivyo amemtaka kuendelea kusimamia utekelezaji wa shughuli za sanaa kuanzia ngazi ya Kitongoji kuto-kana na uwepo wa vipaji ambavyo havijapata jukwaa la kuonesha umahiri wao.

Kwa upande wake Dkt. Mapana amemshukuru Mhe Waziri na ujumbe alioambatana nao, amepokea maelekezo kwa utekelezaji kupitia program za matukio ya Baraza la Sanaa la Taifa.

**"Kama BASATA mnatakiwa kuainisha na kuwafuata wadau mtakaoshirikiana nao kwenye kuendesha shughuli za Sanaa nchini"**

### UTEUZI WA MWANA FA KUWA NAIBU WAZIRI WAKONGA NYOYO ZA WENGI

Wadau wengi wa sanaa nchini wamefurahia taarifa za kuteuliwa kwa Mbunge wa jimbo la Muheza Mhe. Hamisi Mwinjuma (Mwana FA) kuwa Naibu Waziri wa Wizara ya utamaduni Sanaa na Michezo, kuanzia tarehe 26 Februari, 2023, Mhe.

Mwana FA analachukua nafasi ya Pauline Gekul ambaye amehamishwa Wizara ya Katiba na Sheria.

Furaha ya wadau wa sanaa nchini inatokana na imani waliyo nayo kwa naibu Waziri kwakuwa ni msanii mwenzao ambaye anajua



fursa na changamoto za sekta hiyo, hivyo rahisi kuwa Mtetezi.

Uteuzi huo umetokana na Mabadiliko madogo ya Baraza la Mawaziri yaliyofanywa na Rais wa Jamhuri ya Muungano wa Tanzania Dkt. Samia Suluhu Hassan.



## **WADAU WAFURAHIA TMA 2022 KUONGEZA VIPENGELE SITA**



Wadau wa Muziki nchini hususani wa Dancehall na ma Dj wamefurahia hatua ya BASATA kujumuisha vipengele sita vipyä vi-kiwemo nya kwao kwenye mchakato wa kuwania Tuzo za Muziki Tanzania mwaka 2022 (TMA 2022). Akiwasilisha taarifa mbele ya Mgeni rasmi Mhe. Mohamed Mchengerwa (aliyekuwa Waziri wa Utamaduni Sanaa na Michezo)

na wadau wa sanaa nchini Katibu Mtendaji BASATA Dkt. Kedmon Mapana ametanabaisha kuwa wamechukua hatua hiyo ikiwa ni utekelezaji wa moja ya maazimio ya kikao cha pamoja na wadau waliofanya tathmini na maboresho ya tuzo za mwaka jana.

Ameendelea kusema kuwa mwaka jana kulikuwa na malalamiko ya msingi iki-

wemo tuzo ya reggae na dancehall kusomeka sehemu moja jambo ambalo kwa mwaka huu kila kipengele kitajitegemea.

Juu ya hapo, amesema kuwa lengo kuu la TMA ni kuthamini umahiri wa mwanamuziki na kazi yake ili kuongeza mnyororo wa thamani hivyo kwa mara ya kwanza kimeongezwa kipengele MaDj kutokana na umuhimu wao wa kufanya watu wausikie na kupenda muziki.

Hafla ya uzinduzi wa TMA 2022 imefanyika katika ukumbi wa Warehouse Arena uliopo Masaki Jijini Dar es Salaam mnamo tarehe 14 Februari, 2023 amba po jumla vi-pengele 16 na tuzo 55 zitawaniwa.

Vipengele vingine vilivyoongezwa ni Mtangazaji Bora wa Muziki katika Redio, Mtangazaji Bora wa Muziki katika Rusinga, Mtaaluma Bora wa Muziki na Meneja Bora wa Muziki.

Muundo wa Uendeshaji wa Tuzo za Muziki Tanzania unahusisha wasanii kuijandikisha kwenye Mfumo Maalum wenye kiungo <https://tanzaniamusicawards.info> amba po Wanamuziki watajikishaa kisha waltafanyiwa mchuo ili kupata watakaopigwa kura.



### **PICHA ZA MATUKIO UZINDUZI TMA 2022**



Picha Matukio tofauti yakiresha Mhe. Mohamed Mchengerwa (aliyekuwa Waziri wa Utamaduni Sanaa na Michezo) akipokelewa na kukaribishwa ukumbini kwaajili ya hafla ya Uzinduzi wa Tuzo za Muziki Tanzania (TMA 2022) Ukumbi wa Warehouse Masaki, Dar es salaam.

**14 Februari, 2023**



Katibu Mkuu Wizara Utamaduni Sanaa na Michezo Saidi Yakubu akiongea kwa mara ya kwanza baada ya uteuzi siku ya Uzinduzi wa TMA 2022



Msanii Mrisho Mpoto akiwa na Madam Ritha Paulsen wakifuatilia Uzinduzi TMA 2022

## “TATU KUBWA” ZAKONGA NYOYO WASANII JNICC

Wadau wa sanaa nchini



Dabo Mtanzania  
msanii wa muziki wa Reggae na Dancehall

wameshindwa kuzuia hisia zao kwa viongozi na watendaji wa Wizara mara baada ya kufurahishwa na kasi inayoakisi kuleta matokeo endelevu kwa sekta ya sanaa kupitia tukio la tatu kubwa za mwaka 2023.

Hayo yameelezwa na wasanii kwa nyakati tofauti mara baada ya kushuhudia upokeaji wa taarifa za kamati za kitaifa zilizoundwa kuratibu upatikanaji wa Mdundo wa taifa, Utoaji wa Mikopo kwa awamu ya pili na Upokeaji wa taarifa ya vazi la taifa.

Taarifa inaeleza kuwa wadau, wengi wamevutina na ushirikishwaji katika utekelezaji wa mambo yote

matatu jambo linaloashiria uwepo wa hali ya sanaa kumilikiwa na wasanii wenye (sense of ownership) wakiamini ni matokeo ya maboresho yanayofanywa na Serikali ya awamu ya Sita.

“Kiuhalisia hili linalofanyika hapa leo ni muendelezo wa Serikali ya Rais Samia kuinua sekta ya sanaa nchini na sisi hatulali kama iliyvo kwa Waziri na watendaji wake walivyochangamka” alielea Dabo Mtanzania msanii wa muziki wa Reggae na Dancehall

## MDUNDO WA TAIFA WAZALISHA “KIVUNGE CHA MTOZI”

Mwenyekiti wa kamati ya kuratibu upatikanaji wa mdundo wa taifa Dkt Ked-

mon Mapana ameeleza kuwa mchakato wa kuchanganya ladha ya muziki kutoka makabila mbalimbali nchini umefanikisha upatikanaji wa kivunge cha mtozi kitakachorahisisha kazi ya watozi kuwalisha nyimbo zenye ladha inayotambulisha muziki wa Kitanzania.

Ameeleza hayo wakati wa hafla maalum ya kukabidhi taarifa ya utekelezaji wa kupata mdundo utakaotumika kuwa utambulisho wa taifa popote utakapopigwa

na kusikika duniani jambo ambalo hapo awali halikutiliwa mkazo.

Ametumia jukwaa hilo kumshukuru Mhe. Rais wa awamu ya sita Dkt. Samia Suluhu Hassan na wateule wa Wizara kwa namna walivyoonesha nia thabiti kuendeleza Sanaa nchini kwa vitendo jambo ambalo halikuwahi kufanyika.

Ameendelea kuwashukuru wanakamati wote kwa kujitoa kukamilisha jambo la kiistoria bila kuwasahau walioshiriki kutoa maoni na ushauri hadi kupata kivunge cha mtozi.



Pichani juu ni Mwenyekiti wa Kamati ya mdundo wa Taifa Dkt Kedmon Mapana (kulia) akiwasilisha taarifa kamili ya utekelezaji wa kamati yake kwa aliyekuwa Waziri wa Utamaduni Sanaa na Michezo (sasa hivi yupo Maliasili na Utalii) Mhe. Mohamed Mchengerwa wakati wa hafla ya Tatu kubwa za Wizara kwa Mwaka 2023 ukumbi wa JNICC Dar es salaam



Baadhi ya Wanakamati wa Mdundo wa Taifa wakifutilia Uwasilishaji wa Taarifa yao kwa mgeni rasmi-ukumbi wa JNICC.

## **MATUKIO KATIKA PICHA**

### **MAKEKE YA CHANUO LA CHANA**

Jocktan Makeke ni Msanii Mbunifu wa mitindo ya mavazi asili yanayolinda utamaduni wa Kitanzania na Afrika akiratibu program yake ya “CHANA” kwa ufadhili wa Alliance française.

Ameamua kuita CHANA ikitambulishwa na taswira ya Chanuo akimaanisha kazi ya chanuo ni kuweka sehemu ya mwili hasa nywele iwe safi kwa kuondoa aina yoyote ya uchafu kichwani ili kupata muonekano nadhifu mionganoni mwa jamii.



Kutokana na hilo, ameamua kuiangaza jamii ya Kitanzania na Afrika ambayo kwa kiasi kikubwa imegubikwa na utandawazi unaoharibu mila na desturi hivyo kuleta hofu ya kupoteza hadhi na utu kwa vizazi vijayvo.

Chanuo la Makeke limeenda mbali zaidi kwa kukemea vitendo ya ukatili kwa wato-to na watu wenye uhitaji ambapo kwa sasa vimeon-ekana kushamiri pamoja na sharia kubaini wakosaji na kuwashukulia hatua kali ikiwemo kifungo, lakin ichana

inatukumbusha kuanzia ngazi ya familia.

Chana imejitanabaisha ngazi zote, hivyo imegusa wajibu wa viongozi kuweka sera safi na kusimamia misingi ya waasisi wa Taifa badala ya kushirikiana na Mabeberu kufuja maliasili na utajiri tuliorithishwa kwani kufanya hivyo itasababisha laana na machafuko.

Kwa misingi hiyo CHANA inatukumbusha kuwa walini na Wazalendo wa kweli katika kutumia na kuendeleza utajiri wetu.

CHANA, haijaiacha jamii inayojikita kumomonyoa maadili na utu wa Kitanzania kwa kukemea vikali vitendo ya Mapenzi ya jinsia moja

huku akisisitiza kuwa na hofu na laana ambazo ziko dhahiri ambapo jamii imesisitiza kutofanya matendo maovu ambayo hata Mnyama hawezu kuthubutu kufanya.

Ameiasa jamii na wadau wa sekta ya sanaa kupambana kwa nguvu zote kudumisha mila na desturi kuptitia sanaa yenye maudhui chanya ya kumuandaa mtoto au kijana kukabiliana na changamoto zozote katika Maisha ya kila siku.



### **WASHINDI BSS ALL STARS WALAMBA SHAVU MDUNDO WA TAIFA**

Mshindi wa BSS All Stars 2023 Asangwile Mwasongwe na mwenzake Leonard Sanga nafasi ya pili wamepata bahati ya kuwa mionganoni mwa wasanii watakaoten-geneza nyimbo zao kwa kutumia mdundo wa Taifa hivyo kuwa fursa kwoo kutangazwa ndani na nje ya nchi.

Pamoja na ofa hiyo wasanii hao watapata fursa kuone-sha ujuzi wao katika mata-

masha yote ya muziki yanayoratibiwa na Wizara ya Utamaduni, Sanaa na Michezo nchini. Ikuimbukwe shindano la kuiuba vipaji (BSS) chini ya Benchmark limefanyika mfululizo kwa zaidi ya muongo mmoja na kusaidia vijana wengi kujitafuta kisanii.



# SEKTA YA SANAA YAZIDI KUFUNGUKA KIMATAIFA

JAMHURI YA MUUNGANO WA TANZANIA  
WIZARA YA UTAMADUNI, SANAA NA MICHENO

Simu: 026-2322129  
Nukush: 026-2322126  
Barua pepe: kn@michezo.go.tz  
Tovuti: [www.michezo.go.tz](http://www.michezo.go.tz)



Mji wa Serikali Mtumba,  
Mtaa wa Michezo,  
S.L.P 25,  
**40481 DODOMA.**

## TAARIFA KWA UMLA

TANZANIA YAJUNGA TENA UANACHAMA WA SHIRIKISHO LA  
KIMATAIFA LA MABARAZA YA SANAA NA UTAMADUNI

DODOMA, Machi 15, 2023.

Waziri wa Utamaduni, Sanaa na Michezo, Mhe. Balozi Dkt. Pindi Chana, (Mb) anawajulisha wadau wa Sanaa na Utamaduni na Watanzania wote kuwa Taifa letu ilmefaniki kujunga tena uanachama wa Shirikisho la Kimataifa la Mabara za Sanaa na Mashirika ya Utamaduni, (*International Federation of Arts Councils and Culture Agencies - IFACCA*) kupitia Baraza la Sanaa la Taifa (BASATA).

Hutu hiyo ni matokeo mazuri ya kuimarika kwa sifa za Tanzania katika medani ya Diplomasia na Ushirikiano wa Kimataifa hususan katika Sekta ya Sanaa kutoka na uongozi thabiti wa Serikali ya Awamu ya Sita inayooongozwa na Rais wa Jamhuri ya Muungano wa Tanzania, Mhe. Dkt. Samia Suluhu Hassan.

Kutokana na Tanzania kujunga katika Shirikisho hilo, Katibu Mtendaji Baraza la Sanaa la Taifa (BASATA), Dkt. Kedmon Mapana anakuwa Mjumbe atayewakilisha Tanzania katika Mikutano ya Shirikisho la Kimataifa la Mabara za Sanaa na Mashirika ya Utamaduni ambapo kwa mwaka huu utafanyika jijini Stockholm, Sweden.

Waziri Balozi Dkt. Pindi Chana, (Mb) amelipongeza Baraza la Sanaa la Taifa (BASATA) kwa kuwa mwanachama wa Shirikisho la Kimataifa la Mabara za Sanaa na Mashirika ya Utamaduni jambo litakalosaidia kwa kiasi kikubwa kutoa fursa mbalimbali kwa wasani wa Tanzania kubadiliana uuju, ubunuti, pamoja na kutanua wigo wa soko la maudhui ya kazi za sanaa zinazohtajika kupitia ushirikiano na kuhudhuria makongamano yanayoendeshwa na Shirikisho hilo kila mwaka katika nchi wanachama ikiwemo Tanzania.

Aldha amelipanga BASATA lisiddele kujumida unustano na wedo mididabeli wa mienedeleo ya sanaa idheri na rje ya rohi ili kusaidi kufurahi kazi za sanaa katika kuhudhuria na kuperenyeza ajenda za mienedeleo kwa kuwa seita ya sanaa inayongoza kutoa ajira na kungiza kipato nchini.



KAIMU MKUU WA KTENGU CHA MAWASILIANO SERIKALINI

Kufuatia jitihada za Kidiplo-masia zinazofanywa na Serikali ya awamu ya Sita inayooongozwa na Rais wa Jamhuri ya Muungano wa Tanzania Mhe. Dkt. Samia Suluhu Hassan hatimaye Serikali kupitia Baraza la Sanaa la Taifa imefanikiwa kurejesha tena uanachama IFACCA.

IFACCA ni Shirikisho la Kimataifa la Mabara za Sanaa na Utamaduni hivyo kusaidia kwa kiasi kikubwa kwenye kukuza sekta ya sanaa kupitia ushirikiano.

Kutokana na hatua hiyo, Waziri wa Utamaduni, Sanaa na Michezo Mhe. Balozi Pindi Chana amelipongeza BASATA kwa kuwa mwanachama wa IFACCA huku Dkt. Kedmon Mapana akiwa mjambe atakayeiwakilisha nchi kwenye mikutano ambapo kwa mwa-ka huu unafanyika Stockholm Sweden.

Amelitaka Baraza la sanaa nchini kutumia shirikisho hilo kuongeza wigo katika uzalishaji wa kazi bora za wasanii kupitia ubunifu pamoa na kukuza soko la kimataifa.

**“Kama BASATA mnatakiwa  
kuainisha na kuafuata  
wadau mtakaoshirikiana  
nao kwenye kuendesha  
shughuli za Sanaa nchini”**

## NUKUU KUHUSU PROGRAM ZA SANAA NCHINI



“Leo tumezindua Mdundo wa Taifa na tumeona namna ambavyo Kamati imefanya kazi kubwa, hivyo wasanii na-wasihi muandike mashairi mazuri na muongeze ubunifu”

*Mhe. Waziri Mchengerwa—Mdundo wa Taifa*



“Kazi kubwa kiukweli, mnaelewa tunahitaji utamaduni wetu udumishwe na usikike, hii ni biashara, tukiichukulia kwa ukubwa wake basi wenzeru wana-weza kuanza kutulipa kama sisi tunayolipa kwao naahidi nitautumia na nita-toa ngoma moja kubwa”

*Ally Kiba—Mdundo wa Taifa*



## MAMIA WAONESHA SHAUKU SANAA “MTAA KWA MTAA”

Mamia ya wananchi wameonesha kufurahishwa na kampeni ya program ya “Sanaa Mtaa kwa Mtaa” inayoratibiwa na Baraza la Sanaa la Taifa yenye lengo la kutoa jukwaa la fursa ya kuibua na kukuza vipaji vilivyo katika mfumo usio rasmi viweze kuonekana kwa wadau wa maendeleo ya Sanaa.

Akiongea na wananchi wakati wa uzinduzi wa program hiyo Ikwiriri Mkao wa Pwani aliyekuwa Waziri wa Utamaduni Sanaa na Michezo Mhe. Mohammed Mchengerwa amesema kuwa, program hii ni endelevu kwa nchi nzima ili kuifikia jamii yenye vipaji na kuibua maudhui tofauti yenye kupinga ukatili kwa

mtoto yakishabihiana na kauli mbiu inayosema “Kuza Sanaa, tokomeza ukatili”.

Ameendelea kuiielekeza BASATA kwa kusema kuwa, umefika wakati ambapo Baraza linatakiwa kumaliza kuandaa mwongozo wa uratibu program ya “Sanaa Mtaa kwa Mtaa” ili uweze kusambazwa kwa maafisa utamaduni kote nchini kwa utekelezaji wa kimkakati.

Kabla ya siku ya uzinduzi kufanyika Ikwiriri, timu ya wataalam kutoka BASATA iliungana na wananchi wa Utete wakiongozwa na Mkuu wa Wilaya ya Rufiji Meja Edward Gowele ambaao kwa pamoja walishiriki katika shughuli mbalimbali za sa-

naa ikiwemo kutoa hamasa kwa jamii kutumia maudhui ya kazi za sanaa kupinga ukatili.

Program ya “Sanaa Mtaa kwa Mtaa” inaamsha ari kwa jamii iweze kutambua umuhimu wa kutumia sanaa

kujikwamua kiuchumi na inajumuisha sanaa za aina zote nchini ambapo baada ya kufanyika kwa mafanikio Wilayani Rufiji ilielekea Mkoani Arusha ambako nako ilifana ikishirikisha wadau mbalimbali wa sanaa.



## BENJAMINI MKAPA YAIBUKA KIDEDEA MDAHALO MAADILI

Shule ya sekondari Benjamin Mkapa ya jijini Dar es salaam imeibuka na ushindi katika shindano la mdahalo wa “Maadili katika Sanaa” ulioratibiwa na BASATA kwa kukutanisha jumla ya shule tano zenye wawakilishi 50 kwenye ukumbi wa Makumbusho ya Taifa jijini Dar es salaam.

Akiongea mara baada ya kutangazwa mshindi Mwalimu Jackline Burton wa Shule ya Benjamin Mkapa amesema kuwa, ushindi huu haujaja kwa bahati mbaya kwasababu wanafundisha masomo ya sanaa yanayozingatia kumjenga mtoto kiubunifu na kuzingatia maadili.

Ameongeza kuwa, mkakati walio nao kama shule ni kuwaandaa wanafunzi pindi watakopaliza waweze kujikita kwenye sekta hii ya ubunifu ambayo inakuwa kwa kasi hasa maeneo ya mjini hiyo kuwa kimbilio la vijana wengi kwaajili ya kuj-

ingizia kipato jambo ambalo linasukuma kufanya utekelezaji wake kimkakati wa kuibua vipaji.

Ameishukuru serikali kupitia BASATA kwa kuandaa jukwaa hili ambalo limejikita moja kwa moja katika kuibua na kuendeleza vipaji ya watoto kuanzia ngazi hii pia ameshauri iongezwe idadi ya shule na ianzie kwa Shule za msingi, sekondari, vyuo vyati na nya juu ili kipaji kikiibuliwa kiweze kupita katika mnyororo rasmi wa kuongezewa ubora na maarifa katika sanaa.

Kwa upande mwingine mwakilishi wa shule iliyosikika nafasi ya pilii Mwalimu Niwigila Ndyamukama wa Sekondari ya Fanaka ametanabaisha kwamba, kwa namna walivyojiaandaa hawakutegemea kama wataktutan na ushindani kihivi, hivyo amewapongeza washindi na kuishukuru BASATA kwa kuandaa mtoko wa wanafunzi wenye kujenga

mahuiano na maadili me-ma jambo ambalo lilisimama kwa muda mrefu.

“Kiukweli tulijiandaa vya kutosha sana ila tu-meshtushwa na ushindani tulioikutana nao ambaao umetupa funzo, nawapongenza washindi na kuishukuru Serikali haya mambo yali-potea muda mrefu sana ingawa ya umuhimu katika makuzi ya watoto” ameeleza

Mwalimu Niwigila Ndyamukama

Baraza la Sanaa la Taifa linatolekeza program zake mbalimbali za kuibua na kukuza “Sanaa kwa Watoto” iki-wemo walio katika mfumo rasmi na walio mtaani kupitia “Sanaa mtaa kwa mtaa” huku likiangazia maadili katika maudhui ya Sanaa.

Shule za Sekondari zilizoshiriki katika mdahalo huo ni Benjamin Mkapa, Fanaka, Bunju A’, Ukwamani na Makongo.





## BARAZA LA SANAA LA TAIFA

Jengo la Utumishi Block B/C/D, 8 Barabara ya Kivukoni, S. L. P 4779, Ilala,

Dar es salaam Simu: 255 22 2863748 Barua pepe: [info@basata.go.tz](mailto:info@basata.go.tz) Tovuti: [www.basata.go.tz](http://www.basata.go.tz)

TOVUTI: [www.basata.go.tz](http://www.basata.go.tz)

BARUA PEPE: [info@basata.go.tz](mailto:info@basata.go.tz)



basata.tanzania



basata.tanzania

